

03. 11. 2017

## UPRAVA DRUŠTVA

## GENERALNA DIREKCIJA

Broj: U.D-01-3.2-17052/17  
Sarajevo, 02.11.2017. godine

Na osnovu člana 45. Statuta „JP BH POŠTA“ d.o.o. Sarajevo, članova 69. i 70. Zakona o javnim nabavkama ("Službeni glasnik BiH" broj: 39/14) i čl. 14. (2) Pravilnika o javnim nabavkama "JP BH POŠTA" d.o.o. Sarajevo broj:U.D-01-3.2-5233/15 od 04.03.2015.godine, te prijedloga Komisije za provođenje postupka javne nabavke robe: Informatička oprema, broj: 07.4-13.73.-9075-31/17 od 27.10.2017.godine Uprava Društva na svojoj 126. elektronskoj sjednici održanoj 02.11.2017.godine, donosi:

**O D L U K U**  
**o poništavanju postupka nabavke robe Informatička oprema**  
**za LOT 2- Serveri za šalter salu**

**I**

Donosi se Odluka o poništavanju postupka nabavke robe **Informatička oprema za LOT 2- Serveri za šalter salu**, zbog toga što ne postoji objektivni kriterij da se izabere najpovoljnija ponuda s obzirom da su dva ponuđača dostavila neprihvatljive ponude, a dostavljena prihvatljiva ponuda je znatno iznad procijenjene vrijednosti nabavke.

**II**

Ova odluka stupa na snagu danom donošenja.

**O B R A Z L O Ž E N J E**

Na osnovu Odluke o pokretanju postupka javne nabavke robe: Informatička oprema broj U.D.01.3.2-10287/17 od 21.06.2017.godine i Odluke o izmjeni i dopuni Odluke o pokretanju postupka nabavke broj U.D.01.3.2-12683/17 od 09.08.2017.godine, Komisija je provela postupak javne nabavke, putem otvorenog postupka, sa objavljivanjem Obavještenja o nabavci 238-1-1-606-3-156/17 od 30.08.2017.godine na Portalu javnih nabavki.

Predmetna nabavka je podijeljena u 2 LOTA, i to:

- LOT 1 - **Računarska oprema za krajnjeg korisnika**
- LOT 2 - **Serveri za šalter salu**

Na Protokol Društva do roka određenog za prijem ponuda (22.09.2017.godine do 12:00sati), pristigle su ponude slijedećih ponuđača za LOT 2:

1. "COMMERCE ENGINEERING" d.o.o. Mostar, Alajbegovića broj 3, 88000 Mostar
2. „DIGITARIJA“ d.o.o. Sarajevo, Zmaja od Bosne broj 14c, 71000 Sarajevo
3. „KODEKS“ d.o.o. Sarajevo, Antina Hangija broj 17, 71000 Sarajevo

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

**LOT 2 - Serveri za šalter salu:**

1. Da ponuda ponuđača "COMMERCE ENGINEERING" d.o.o. Mostar, sa ukupnom vrijednosti ponude, bez uračunatog PDV-a u iznosu od **192.076,57 KM**, ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički prihvatljiva.





## GENERALNA DIREKCIJA

Ponuda ponuđača "COMMERCE ENGINEERING" d.o.o. Mostar prelazi iznos procijenjene vrijednosti nabavke za LOT 2, odnosno iznos od 74.350,00 KM, a ugovorni organ ne raspolaže većim iznosom sredstava za realizaciju predmetne nabavke od iznosa procijenjene vrijednosti nabavke.

2. Da ponuda ponuđača "DIGITARIJA" d.o.o. Sarajevo, sa ukupnom vrijednosti ponude, bez uračunatog PDV-a u iznosu od **74.349,91 KM**, ne ispunjava sve zahtjeve ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica:

-Ponuđač u dostavljenoj ponudi nije popunio Aneks 2.1 na stranici 1 od 3 u dijelu koji se odnosi na *naziv i sjedište ponuđača*.

Takođe, navedeni ponuđač u svojoj ponudi nije dostavio izjavu iz tačke 7.3.1. i 7.3.2. pod b) iz tenderske dokumentacije, kojom je propisano da je ponuđač *dužan dostaviti izjavu u kojoj navodi da će, ukoliko mu bude dodijeljen ugovor, prilikom isporuke robe koja je predmet ove nabavke dostaviti garanciju da roku od 72 sata od prijave kvara isti otklanja, na period od 3 godine od obostranog potpisivanja kvantitativno-kvalitativnog prijema opreme, a uz uslove koji su specificirani u Aneksu 3 i Aneks 3.1. tenderske dokumentacije u okviru karakteristika pojedinih stavki.*

-Pored naprijed navedenog, ponuđač "DIGITARIJA" d.o.o. Sarajevo je u svojoj ponudi ponudio procesor koji nije u skladu sa traženim procesorom iz tehničke specifikacije tenderske dokumentacije. Naime, tenderskom dokumentacijom je tražen procesor *minimalno 1 komad Intel Xeon E serija procesora 1,9 GHz/15MBL# Cache/6 jezgri*, a ponuđač je u svojoj ponudi ponudio procesor E5-2609V4 karakteristika *1,7GHz/20MBL3 Cache/ 8 jezgri*, odnosno suprotno traženim karakteristikama iz tenderske dokumentacije.

3. Da ponuda ponuđača "KODEKS" d.o.o. Sarajevo, sa ukupnom vrijednosti ponude, bez uračunatog PDV-a u iznosu od **74.348,75 KM**, ne ispunjava sve zahtjeve ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica:

-Ponuđač "KODEKS" d.o.o. Sarajevo u dostavljenoj ponudi nije dostavio izjavu iz tačke 7.3.1. i 7.3.2. pod c) iz tenderske dokumentacije, kojom je propisano da je ponuđač *za svu ponuđenu opremu obavezan dostaviti izjavu proizvođača da će isporučena oprema biti novoproduzvana i ne starija od 6 mjeseci od datuma narudžbe, te da će ista biti isporučena ovlaštenim distributivnim kanalom i u skladu sa traženom specifikacijom.*

S obzirom na naprijed navedeno, data je preporuka Ugovornom organu da se donese odluka o poništavanju postupka predmetne nabavke.

Cijeneći navedeno donesena je odluka kao u dispozitivu.


**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 dana po prijemu odluke o izboru, shodno članovima 99. i 101. Zakona o javnim nabavkama.

Dostaviti:

- Sektor za RIS (Nosilac posla)
- Sektor za EKF
- Marketingu (za objavu)
- Odjeljenje za J.N.
- Ponuđačima (putem komisije)
- a/a



GENERALNI DIREKTOR  
mr.scf. Mirsad Mujić



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba